



*Շրջակա միջավայրի նախարարության  
«Հիդրոոդերոլոգիայի և մոնիթորինգի կենտրոն» ՊՈԱԿ*

---

*ԱԳՐՈՏԵՐԵՎՈՒԹԱԲԱՆԱԿԱՆ*

*ՏԵՂԵԿԱԳԻՐ*

*2025*

---


*Մեպտեմբերի երրորդ տասնօրյակ*

*Տեղեկագիրը կազմել է ագրոոդերոլոգիայի բաժինը՝ մասնագիտացված ագրոոդերոլոգիաների կազմակերպչի և ստացված տեղեկատվության հիման վրա:*

*Տեղեկագրի պատասխանատու՝ տնօրենի տեղակալ Գ. Սուրենյան*

## ՀԻՄՆԱԿԱՆ ՕԴԵՐԵՎՈՒԹԱԲԱՆԱԿԱՆ ԱՌԱՆՁՆԱՀԱՏԿՈՒԹՅՈՒՆՆԵՐ

Սեպտեմբերի երրորդ տասնօրյակում օդի միջին ջերմաստիճանը հանրապետությունում եղել է ցածր 1-3 աստիճանով:



Տասնօրյակի ամենաբարձր ջերմաստիճանները դիտվել են սեպտեմբերի 24-ին, 30-ին. Տավուշում գրանցվել է +23...+25°C, Վայոց ձորի լեռնային շրջաններում՝ +21...+23°C, նախալեռնային շրջաններում՝ +28...+30°C, Սյունիքի հովտային շրջաններում՝ +24...+27°C, նախալեռնային շրջաններում՝ +20...+24°C, Շիրակում՝ +20...+25°C, Կոտայքի լեռնային շրջաններում՝ +20...+24°C, նախալեռնային շրջաններում՝ +24...+26°C, Գեղարքունիքում՝ +19...+23°C, Լոռիում՝ +21...+24°C, Արմավիրում, Արարատում՝ +29...+31°C, Արագածոտնի լեռնային շրջաններում՝ +20...22°C, նախալեռներում՝ +23...+25°C (Աշտարակ՝ +30°C):


Տասնօրյակի ամենացածր ջերմաստիճանները դիտվել են 23-ին, 24-ին. Շիրակում գրանցվել է +1...+3°C, (Աշոցք՝ -4°C), Կոտայքի լեռնային շրջաններում՝ -2...+3°C, նախալեռնային շրջաններում՝ +5...+7°C, Տավուշում՝ +7...+9°C, Վայոց ձորի լեռնային շրջաններում՝ 0...-2°C, նախալեռնային շրջաններում՝ +3...+5°C, Սյունիքի հովտային շրջաններում՝ +7...+9°C, նախալեռնային շրջաններում՝ -1...+4°C, Գեղարքունիքում՝ 0...+5°C (Գավառ՝ -1°C), Լոռիում՝ +1...+5°C (Տաշիր՝ -0.8) Արմավիրում՝ +5...+8°C, Արարատում՝ +5...+7°C, Արագածոտնի լեռնային շրջաններում՝ 0...-2°C, նախալեռներում՝ +3...+7°C:

## Տասնօրյակային տեղումներ




Տասնօրյակի ընթացքում տեղումների գումարային քանակը Լոռիում կազմել է 1-13մմ (6-68%), Շիրակում տեղումներ դիտվել են միայն Աշոցքում 1մմ (13%), Տավուշում՝ 3-4մմ (18-31%), Գեղարքունիքում՝ 0,2-15մմ (1-115%), Արագածոտնի լեռնային շրջաններում՝ 0.2...0.3մմ (1-2%), Կոտայքի լեռնային շրջաններում՝ 0.1-2մմ (1-13%), Վայոց ձորի լեռնային շրջաններում՝ 0.3մմ (2%), Արմավիրում՝ 0.2մմ (3%), Արարատում տեղումներ դիտվել են միայն Ուրցաձորում՝ 0.3մմ (3%), Սյունիքի հովտային շրջաններում՝ Մեղրի 22մմ (367%), նախալեռներում՝ 5-24մմ (50-114%): Արագածոտնի, Կոտայքի, Վայոց ձորի նախալեռնային շրջաններում տասնօրյակի ընթացքում տեղումներ չեն դիտվել:


## Հողի մակերևույթի նվազագույն ջերմաստիճանը



Հողի մակերևույթի նվազագույն ջերմաստիճանները գրանցվել են սեպտեմբերի 23-25-ն ընկած ժամանակահատվածում. լեռնային շրջաններում՝ 0...-5°C, նախալեռնային և հովտային շրջաններում՝ +2...+6°C:



Մշակաբույսերի աճի և զարգացման համար կարևոր գործոն հանդիսացող հողի խոնավության պաշարները լեռնային շրջաններում 20սմ խորության վրա կազմել են 10-25%, նախալեռնային շրջաններում՝ 15-35%, հովտային շրջաններում՝ 20-39%: Հողի 40սմ խորության շերտում լեռնային շրջաններում կազմել են 15-30%, նախալեռնային շրջաններում՝ 20-35%, հովտային շրջաններում՝ 20-40%:



**Agricultural Stress Index (ASI)**  
week of 3 September 2025



Ելնելով Պարենի և գյուղատնտեսության կազմակերպության (FAO) պաշտոնական կայք էջում տեղադրված բուսականության սթրեսի քարտեզից՝ սեպտեմբերի երրորդ տասնօրյակում հանրապետության ողջ տարածքում սթրեսի բարձր ցուցանիշ չի գրանցվել: Բուսականությունը գտնվում էր լավ և բավարար վիճակում:

### Մշակաբույսերի աճն ու զարգացումը



Տասնօրյակի ընթացքում շարունակվել են գյուղատնտեսական աշխատանքները:

Հովտային շրջաններում կատարվել է պտղապտույների, բանջարանոցային մշակաբույսերի, խաղողի, ընկույզի բերքակալաք:

Նախալեռնային շրջաններում շարունակվել է աշնանացան ցորենի նախացանքի և ցանքի աշխատանքները, կատարվել է պտղապտույների բերքահավաք:

Լեռնային շրջաններում աշնանացան ցորենը կտրել է, տեղ-տեղ՝ ծլել, շարունակվել է հնդավորների, կարտոֆիլի և կաղամբի բերքահավաքը:

Եղանակային պայմանները նպաստավոր են եղել դաշտային աշխատանքներն իրականացնելու և բերքահավաքի համար:

# Վեգետացիոն ինդեքսի ընթացիկ ընթացքն անցյալ տարվա և բազմամյա միջինի համեմատ

